

«ՄԻՌՈՒԹՅՈՒՆ» ԱՐԵՎՄՏԱՀԱՅ ԴԵՄՈՒՐԱՏԱԿԱՆ ՀԱՆԴԵՍԸ» (1860 թ.)

Մ. Ն. ՀԱԿՈԲՅԱՆ

Հայ դեմոկրատական մամուլի պատմության մեջ իր հատուկ տեղն ունի 1860 թ. Զմյուռնիայում հրատարակված «Միություն» կիսամսյա հանդեսը։ Այդ տեղը մինչև հիմա տարօրինակ կերպով անտեսվել է, իսկ հանդեսը պատշաճ ուշադրության չի արժանացել։ Մինչդեռ «Միություն» պատմությունը շատ ու շատ կողմերով բնորոշ է այն պայքարին, որ հայ առաջադիմական-դեմոկրատական մամուլը տասնամյակներ շարունակ մղել է ոչ միայն իր զոյատևման իրավունքի, այլև հայ հասարակական մտքի առաջընթացի համար։ Հանդեսի դերն առավել մեծ է նրանով, որ այն Զմյուռնիայում հրատարակված առաջին դեմոկրատական պարբերականն էր և նրա փորձը, հետադիմության դեմ մղված պայքարում նրան վիճակված փորձությունները, առավել ևս նրա ձեռքբերումները որոշակի նպաստ բերեցին դեմոկրատական մամուլի, մասնավորապես Գր. Զիլինկիյանի «Ծաղիկի» լինելությանը։

«Միություն», ի տարբերություն այլ պարբերականների, ունի իր նախապատմությունը, որն առնչվում է Հաշտենից մշակութային ընկերության ստեղծման հետ։ Զմյուռնիայի հայտնի Մեսրոպյան վարժարանի մի խումբ սաներ 1859 թ. հուլիսի վերջերին հիմնեցին Հաշտենից ընկերությունը՝ նպատակ ունենալով նպաստել ազգի լուսավորությանը, հրատարակել ազգօգուտ գրքեր, նշանակալի միջոցներ հայթայթել ազգային դպրոցների համար, լույս տեսնել հատուկ պարբերական, արհեստանոց հիմնելով՝ ձրիաբար օգնել աղքատ ձեռքների երեխաներին ձեռք բերելու արհեստավորի որոշ հմտություններ։ Ընկերության ղեկավարները՝ խորհրդական անդամները, ինն առաջադեմ երիտասարդներ էին՝ Հ. Սավալանյանը (առնանադպիր), Կ. Տևախանը, Հովհ. Մարտիրոսյանը, Հ. Տեսլանը, Ս. Պալապանյանը, Գ. Կոստանյանը (գանձապետ), Ղ. Մարկոսյանը (որը շուտով հրաժարվել է), Ղ. Մամուրյանը, Սարգիս Միրզա Վանանդեցին։ Ի սկզբանե նրանք որդեգրել են գործունեության դեմոկրատական սկզբունքը։ Ընկերությունը յուրստ է ունենա միանձնյա ղեկավար՝ նախագահ, նրա աշխատանքը հավասարազոր իրավունքով զիջավորելու են խորհրդական հիշյալ ինն անդամները, իսկ պատվավոր անդամները՝ յուրստ է միջամտեն. ղեկավար կազմից առնանադպիրը և գանձապետը, որոնք հաշիվետու էին չլուրաքանչյուր եռամսյակ, փոխվելու էին տարեկան մեկ անգամ։

Առաջադիմության ընդհանուր ձգտումը, հասարակական կյանքում տեղի ունեցող աշխատությունն ու խմորումները, ինչպես նաև գաղթողների հեռագրերի գործադրած բռնությունները, որոնք արյակալիվորեն խթանեցին դմյուռնահայության ընդհանուր արթնացմանը, նպաստեցին Հաշտենիցի սկզբնական շրջանի հաջողությանը։ Երկու շաբաթվա ընթացքում ընկերության անդամադրվեցին 200 բաժնով (5-ական դուրուշ)։ Տարեկան ընկերությունը իր միջոցներից արդեն վճարում էր Մանիսա գյուղաքաղաքի դպրոցի հավաքանության դասատուի կես աշխատավարձը, առաջարկեց հոգաբարձուներին՝ իր տնօրինությամբ Մեսրոպյանին կից հիմնել արհեստանոց՝ աղքատ երեխաների ուսուցման համար։

Նաև այն Հաշտենիցի գործունեությունը հետագա ժամալում շտաղալ։ Նրա հեռանկարներին համեմատելով նշանավորը եղավ «Միություն» հանդեսի հրատարակությունը։ Սպասվում էր, որ հանդեսը մեծ ընդունելություն կգտնի, բանի որ, ինչպես արտահայտվել է «Արշալույս արարատյան» թերթի, «մեր ազգը որմն ևս առավել պետք ունի ներկա ժամանակի մեջ» միավորվելու, միություն կազմելու կոչ անող պարբերականի։ Նվ իրոք, միայն Զմյուռնիայում նա ունեցավ շուրջ հարյուր բաժանորդ, որ մեծ թիվ է այն ժամանակի համար։ Ինչպես Հաշտենիցը՝ չունեցավ նախագահ, այնպես էլ «Միությունը», որ կրում էր «Հանդես Հաշտենից» ենթաաիտղոսը, չունեցավ միանձնյա խմբագիր։ Այսօրվա տերմինով ասած, հանդեսը խմբագրում էր հրատարակում էր խմբագրական կոլեգիան, որի կազմի մեջ էին մտնում ընկերության խորհրդական անդամները, հավանաբար Հ. Սավալանյանը, Գ. Կոստանյանը, Սարգիս Միրզա Վանանդեցին և, թերևս, էլի մեկ-երկուսը։ Հանդեսում հրատարակվող նյութերը, համեմատելով դեպ իմբագրականները և կարևոր հոդվածները, նախապես ընտրվելու էին խմբագրակից-

հրատարակիչների ժողովում: Նրանցից որևէ մեկն անձնապես իրավունք չունեի տնօրինելու այդ նյութերի տպագրության հարցը: Այդպիսի փորձը, ինչպես կոեսնենք, հղի էր լուրջ հետևանքներով:

Այդպիսով, «Միութիւնը» ոչ թե մի անհատ խմբագիր-հրատարակչի կարծիքի արտահայտիչն էր, ինչպես, օրինակ, «Արշալույս արարատյանը», այլ կոլեկտիվ մարմնի հայտարարութիւն էր Հաշտենիցի շուրջը և տողոված էր դեմոկրատական սկզբունքներով, մտահոգված էր ժողովրդի վիճակով, բռնում էր դեմոկրատական գաղափարների ու մտահայեցութեան ուղեգիծ: Ըստ էության նորաստեղծ «Միութիւնը» արդեն քսան տարի հրատարակվող «Արշալույս արարատյանի» հակակշիռն էր: Նրանց հրատարակիչ-խմբագիրների փոխհարաբերությունները, թեև սկզբնապես բարեկամական էին, շուտով ստացան թշնամական բնույթ՝ առիթ ունենալով «Միութիւն» շուրջը տեղի ունեցած իրադարձությունները, ինչպես և նրանում լույս տեսած առանձին հոդվածներ: Ըստ որում, «Արշալույս արարատյանի» խմբագիր Ղ. Պալ-դադարյանը, տպարանատիրոջ և ավագութեան իրավունքով, հորդորում էր «Միութիւն» անփորձ խմբագիրներին խոհեմ գիծ վարել, նույնիսկ փորձում էր միջամտել ներխուժագրական աշխատանքին, վիճարկում էր առանձին նյութերի տպագրության նպատակահարմարությունը, ինչպես խոստովանել է մի առիթով:

«Միութիւն» առաջին համարը լույս է տեսել 1860 թ. հունվարի 1-ին, ութէջյա, խնամքով տպագրված, նյութերի դյուրամատչելի մատուցմամբ: Դատելով նրա ծրագրային հոգիածից, որ ստորագրված է՝ «Խմբագրութիւն», հրատարակիչները նպատակ ունեին իրենց «մբողջորդ երկունքը ու գրավոր վաստակը» նվիրաբերել ազգին, արծարծել «ուսմանց և կրթութեան սեր»՝ հետևելով եվրոպացիների «գեղեցիկ շավղացը»:

Հանդեսի համարների քննությունը և նրա բուն պատմությունը թելադրում են «Միութեան» գործունեությունը բաժանել երեք շրջափուլերի՝ առանց, սակայն, դրանք միմյանցից տարանջատելու: Սկզբնական շրջանում՝ հունվարից սեպտեմբեր, երբ լույս տեսան «Միութեան» 1—17-րդ համարները, նրա խմբագրական մարմնում որոշիչ դեր էին կատարում Հայրապետ Սավալանյանը և Դաւուտ Կոստանդյանը՝ Հաշտենիցի ատենադպիրը և դանձապետու: Արդեն իրենց ինքնուրույն գործունեությամբ հայտնի այդ գործիչները, համագործակցելով Հաշտենիցի մյուս հիմնադիրների հետ, միաժամանակ հանդես են բերել ինքնուրույն դիմագիծ, հրատարակել են հոդվածներ, որոնք արծարծում են առանձին հրատապ հարցեր, երբեմն լրացնելով միմյանց:

Հավագույնս ծանոթ լինելով նրուսաղեմի հայոց մատենադարանին, Հ. Սավալանյանը հանդես եկավ ժողովրդի ձեռագիր ժառանգությանը նվիրված հոդվածով՝ «Հայկական գրատանց վրայոք համառոտ տեսություն»¹, Արմատական հարց է հարուցում հեղինակը. գրապահոցները պետք է ծառայեն ժողովրդին, նրանց դռները պետք է բացվեն ուսումնասիրողների ու հետաքրքրվողների առջև: Զեռագիր մատչանները, որոնք ժողովուրդը դարձրել էր շարունակ պաշտելու ու պահպանելու է, ժառանգել հաջորդ սերունդներին, չեն կարող դառնալ առանձին միաբանությունների կամ անձանց սեփականությունը, դրանք «բոլոր ազգայնոց պիտույիցը և ընթերցման համար» են: Մինչդեռ ձեռագրերը նրուսաղեմում, Մխիթարյան միաբանությունների մատենադարաններում, Սիսում և էջմիածնում պարփակված են «խորագույն խորշի և անլույս դարանի մը մեջ», անմատչելի են, անփութաբար են պահպանվում: «Ազգային ստացվածքը» ժողովրդի սեփականությունը դարձնելու համար Սավալանյանն առաջարկում է աստիճանաբար լույս ընծայել ձեռագրերը, պատրաստել «ներհուն բանագետ և աշխատասեր» սնվաններ, որոնք կարողանան ապահովել արժեքավոր մատչանների պատշաճ հրատարակությունը: Նա մի այլ անգամ հատուկ անդրադառնում է նրուսաղեմի վանքի մատենադարանի արժեքավոր ձեռագրերին, նկարագրում է մի շարք մատչաններ²:

¹ Ընկերության միջոցով Արագածունյաց պարբերական հրատարակելու առաջին փորձը Զմյուտնիայի հայ մտավորականները կատարել են դեռևս 1843-ին՝ լույս ընծայելով «Հայրենասեր» թերթը:

² «Միութիւն». 1860, № 1, էջ 2—4. № 2, էջ 9—11 (այսուհետ կնշենք միայն էջերը՝ տեքստում, փակագծերի մեջ):

³ Հ. Սավալանյանը (1821—1901) նրուսաղեմի միաբանությունում 1847—1858 թթ. և 1864—1872 թթ. վարել է մի շարք պաշտոններ. մասնավորապես եղել է մատենադարանի ու

Պաշտպանելով Սաւալանյանի հարցադրումները, հանդեսի X 12-ում Գ. Կոստանդյանը տպագրեց «Եղեւթիւն մը» հոդվածը (էջ 89—90), որտեղ հատկապես անդրադարձավ Մշո հանրահայտ Ճառքները մատյանի հետ տեղի ունեցածին՝ ժողովրդի դարավոր նշխարներն անվթար պահպանելու և ռազգին ընծայելու խոր մտահոգութեամբ։ Գ. Կոստանդյանը «Միութիւնում» հանդես էր գալիս նրա առաջին համարից, ինչպես թարգմանութիւններով, այնպես էլ ինքնուրույն հոդվածներով ու դիտական ընդլայնումներով, որոնց տակ ստորագրում էր «Բողոք» ծածկանունով։ Սկզբունքային նշանակութիւն ունի նրա «Միութիւնն Միարանութիւն» հոդվածը (էջ 26—28)։ Դա ազգային համախմբվածութիւն հաստատելու Հաշտեիցի և նրա օրգանի ծրագրային հավատամքն է։ Քննելով հայոց պատմական ճակատագիրը և հայ ժողովրդի ցանուցիր լինելու պատճառները, որոնց նա մեղսակից է համարում նաև մահառականութիւնը, որ «հայրենիք չունի», Կոստանդյանն աղբի գոլութիւնը պայմանավորում է ազգային միասնութեամբ։ Քննելով «Գրում է նա», քանի որ միութիւնն չկա և միարանութիւն կպակսի, անկարելի է րան է ազգութիւն շարունակել և հայրենասիրութեամբ ծաղկելու։ Ոնալ միութիւնը չէ այս ու այնտեղ հաստատված հայ դանգվածների լուսավորված լինելը, մանավանդ որ «Հայաստանը մերկ է և կործանված, յուր դավակները օտարացած և ցրված» միշտ կորսվելու ենթակա։ Գ. Կոստանդյանը դատաւարտում է նրանց, ովքեր՝ «բազմալայն է» ասելով, անտարբեր ենթարկվում են ճակատագրին։ Նա կոչ է անում ցուցարարել «ճանճ ու խոհեմութիւն», ապա և մատնանշում հայ ժողովրդի հինգդարյա վերքերի բուժման միջոցը, որ հանգում է «Միութիւն»-ին, եւ Միութիւնը ինքնին» հաստատելուն։

Ապագա բնազետ փիլիսոփայի այս դեղատոմսը, որ թելադրված էր իրադրութեան պահանջներով, առաջին անգամ չէ, որ առաջարկվում էր մամուլի էջերից։ Բայց դրանով նա չի անարտում իր խոսքը։ «Անուշ Հայաստանի» ճակատագրով մտահոգված հրապարակախոսող, մեծ գերադասութիւն տալով աշխարհագրական միջավայրին, ցավով նկատում է, որ նրա լուսավորութեան նկատմամբ տածվող հուշերն իրականացնելու հնարակար չկա և հայացքն ուղղում է մի այլ կողմ։ «Այսու պատճառով, — դրում է Կոստանդյանը, — սկսեց եմք ընտրել պանդխտի երկիր մը, ուր թե հայրենիք եղած ըլլա և թէ ընդարձակ ծովեզր մը ունենա։ Այսպիսի երկիր մը կրնամք կա ըսել, ցուցնելով Կիլիկիան»։

Միտումն ակնհայտ է, բացահայտ՝ Կիլիկիան դարձնել հայոց նոր հայրենիքը։ Եվ այդ մասին հուշակվում է Զեյթունի դուրացնական տպատմութիւնից ոչ շատ առաջ՝ 1860 թ. ինտրովարին։ Այդպիսի ազատագրութեան իմաստով այդ գաղափարը, թեև ոչ իրական հնարանելով, կոնկրետ բաղնիքի դիմելու և դործունեութիւն ծավալելու կոչ էր սլարունակում իր մեծ։ Միայն Գ. Կոստանդյանի ու նրա շրջապատի, նույնիսկ Զեյթունիայում տեղի ունեցող խռրովմանը՝ արդյունքը չէր դա։ Կիլիկիան Փոքր Հայաստան դարձնելու գաղափարը հարազատ էր այդպիսի ազատագրութեամբ մտահոգված շրջաններին։

«Միութիւնն է միարանութիւն» կոչը երկու կրկնելուց հետո, Գ. Կոստանդյանը նորից դիմելով ընթերցողներին, շեշտում է. «Անցածը դացած է և եղածը լմնցած. փոխանակ անցելուն վրա արիւնքալու» նոր հառաջարկութիւն մը դտնելու քանանք, քանանք միշտ։ Հարկ է, որ ամենիւ կռանդուն դործունեութիւն ծավալեն, նաև կրոնական վերնախաւը և աղնականութիւնը։ «Եւ այն թող հայրենասիրութեամբ»։ Եվ այդ բոլորի վերագույն նպատակը, ինչպես սահմանում է Կոստանդյանը, պետք է լինի լուսավորութիւն տարածելն ու հաստատելու Ազատագրութեան ուղղակի կոչ նա չի անում այս հոդվածում, բայց ենթատեքստում հենց ազատագրութեան գաղափարն է, որ նա բացահայտ ձևով արտահայտել չէր կարող։

տպարանի տնօրէնը և 1866—1867 թթ.՝ միարանութեան «Միտն» հանդեսի խմբագիրը։ Երկարատե։ աշխատութեամբ նա նկարագրել է 1742 ձեռագիր, ինչպես և դրել է «Պատմութիւն Երուսաղէմի» երկհատոր աշխատութիւնը, որ հրատարակվել է 1931 թ., պատրաստել, ծանոթարել և լույս է տնծայել ձեռագիր մի քանի ժամանակագրութիւններ, ինչպես և մեկերկու ինքնուրույն դրբուկներ։

⁴ Հատկանշական է, որ անդրադառնալով «Միութեան» առաջին համարներին, Ֆրանսիայի մայրաքաղաքում լույս տեսնող «Փարիզ» թերթի խմբագիր Ա. Մուրատյանը ուշադրութիւնը բեռնում է Գ. Կոստանդյանի հոդվածին և հրավիրում «բոլոր հայոց կարգաւ և միտ դեմ» («Փարիզ», 8 հունիսի 1869)։

Միայն այս անգամ չէ, որ ազատասիրական իր զաղափարները Կոստանդյանն արտահայտում է քողարկված ձևով, այլաբանորեն: Շուտով՝ 1861 թ. մայիսին, նա պիտի հրատարակի «Առ հայտ. Տեսիլք» այլաբանությունը, ուր կանարկի նաև «Մարդկային հեղափոխությանց Ոգու» մասին, ապա պիտի դրան վերադառնա «Ծաղիկում», որի էջերում, արդեն մի այլ առիթով, կգրի. «Հայ ազատականները կգովեմ ու զանոնք կսիրեմ, ու ես ալ իրենց բանակեն ըլլալով՝ կուզեմ որ արատ մը, կեղտ մը անգամ վրանին չի գա... Քաջ համոզված ենք թե քսաներորդ դարուն Արամյան տոհմին ցահը արդի հայ երիտասարդությունը պիտի ըլլա... Իրավունքը ժամանակն է, ղնտանն ու շղթաներն չհաղթվիր...»:

Մի այլ հարցադրումով ևս Գ. Կոստանդյանն արձագանքում էր հայ հասարակական մտորումներին: Նա առաջ քաշեց «եվրոպական լեզվով լոկ ազգային օրագիր մը ունենալու» հարցը: Ինչպես Հ. Սըվաճյանը, Գ. Կոստանդյանը նույնպես ցանկանում էր, որ Եվրոպան իմանա «մեր արդի վիճակը», որ այդպիսի պարբերականի միջոցով իրական պաղափար տրվի հայ ժողովրդի մասին: Եվրոպական որևէ լեզվով հայ մամուլն, իրոք, արդեն անհրաժեշտություն էր.

«Միութիւն» էջերում Գ. Կոստանդյանը (Գ. Կ.) առաջ է քաշել մի այլ կարևոր հարց ևս: «Հայ ազատասիրությունը» խորագրով հոդվածում (էջ 33—34) նա երևան է հանում իր քաղաքացիական դիմագիծը, որ էական նշանակություն ունի ապագա բնագետ փոխտնտեսի «Մեթոդի վրա» երկի հեղինակի վաղ շրջանի գրեթե անտեսված գործունեության բնութագրության համար: Կոստանդյանը գտնում է, որ գոյություն ունեցող տարածաշրջանները կամ «կամքի անմիաբանությունը բնականաբար կոչվանա», շեշտում է բանավիճելու, քննադատելու անհրաժեշտությունը: Դա է ժողովրդին կրթելու, «խրատելու», ինչպես և սնտարությունն ու անականությունը վերացնելու միջոցը: Ի տարբերություն նախորդ տարիների, երբ տիրում էր «մեծծերուն տգեղ իշխանությունը», «ազատասիր և օրինավոր քննադատությունը» մուտք է գործում հայ իրականություն: Արդեն անհրաժեշտ է սյարգել, թե «ինչպիսի կանոններով» պետք է քննադատել, որովհետև զանազան «հիշոցները» խանգարում են ազգասերներին հայտնելու իրենց զաղափարները, արգելափակում են «ազատաքննությունը»: Պատասխանելով այն հարցին, թե ինչ քննադատության կողմնակից է և որն է ազատասիրության իր ըմբռնումը⁷, Գ. Կոստանդյանը գրում էր. «Սույն նյութիս վրա երկարելով կրնամք նաև մեր կողմանի խորին հարգանք և շնորհակալություն մատուցանել Հ. Գ. Սըվաճյան ազգասեր հարգելիքին, որ գրեթե առաջին անգամ քալեց ազատասիր քննադատությամբ հայոց մեզ, և այսպիսի ազգասիրական ջանքի փոխարեն՝ քննադատված անկանոնությանց, մոլությունց ու տգիտությանց վերանալը պիտի ըլլա տակավ առ տակավ» (էջ 34):

Այսպիսով, Գ. Կոստանդյանը լիովին համերաշխվում է Հ. Սըվաճյանի ու նրա «Մեղուի» հետ, պատշաճն է հատուցում նրանց ուղեգծին, նաև բարձր է ղնահատում մամուլի դերը ժողովրդի կյանքում. «Ազգային օրագիրները ժողովրդյան թե աչիք են և թե լեզու... Մեզ նման սփռված ժողովուրդը ի՞նչ կըլլա արդյոք, եթե քննադատության մտիկ չընեն և օրինավորին և լավագույնին դեմ կկենա գոռոզանալով»: Այստեղից էլ «Միութիւն» հիմնական խնդիրներից մեկը՝ «չկասիլ օրինավոր քննադատություններ և վիճաբանություններ ընել, քաջ գիտենալով, որ չափազանց օգտավետ կաղալուիլ մ'է նաև ներկա հայությունը»:

«Միութիւն» մյուս խմբագրակիցները, մասնավորապես Ղ. Մամուրյանը և Սարգիս Միրզա Վանանդեցին, նույնպես ակտիվ դերում էին: Եթե Մամուրյանը գլխավորապես քննում էր դաստիարակության ու կրթության հարցերը և հատուկ ուշադրություն էր նվիրում աղջիկների ուսուցմանն ու դասատուների դերի բարձրացմանը, ապա Վանանդեցին շեշտում է թատրոնի նշանակությունը՝ իրրև «ազգի մը դպրոցի», «ապագա բարեկալությանց նայաստող «գործոնի» (էջ 11—12): Նրանք, ինչպես և Ս. Պալապանյանը (Ա. Ս. Յ. Պ.), որ արժանանում էր ազգային դաստիարակության ու լեզվի հարցերը, ընդհուպ մոտենում էին կոնկրետ քննադատություն ծավալելու խնդրին՝ գիտակցելով ու ընդգծելով, որ «մեր թշնամին մեր մեջը ունինք» (էջ 67): «Ժողովուրդը,— շեշտել է իր մի հոդվածում Վանանդեցին,— կույր թողուլ, կրոնամոլ խիստ

⁵ «Ծաղիկ». 20 նոյեմբերի 1861, էջ 114, 115:

⁶ Հմմտ. «Միութիւն», 15 փետրվարի 1860, էջ 28 և «Մեղու», 30 ապրիլի 1860 (Հ. Սըվաճյան. Հրատարակատեսություն. Երևան 1960, էջ 119):

⁷ Հետազայում Գ. Կոստանդյանը վերադարձավ այդ հարցին և նույնիսկ որոշակի դրույթներ՝ բանավիճելու քաղաքավարական կանոններ առաջարկեց («Ծաղիկ», 20 նոյեմբերի 1861, էջ 114—115):

զաւազանով զանիկա ճնշելը ստուգիվ թե՛ խղճի և թե՛ մարդկութեան դեմ է. ամեն ազգ և ամեն անհատ յուր մասնավոր իրավունքն ունի և զանիկա սուրբ և անկողոպուտ պահելը նվիրական պարտք մ'է իրեն համար» (էջ 67):

Սակայն «Միութեան» դավանած սկզբունքներն ավելի ցայտուն դրսևորում են գտել նրանում զետեղված անստորագրի, այսօրվա տերմինով ասած՝ խմբագրական հոգովածներում: Մասնավոր մի խնդրի շուրջը հանդես գալով, «Միութիւնը» «Ազգային արդի խնդիր» (էջ 73—74) հոդվածում պաշտպանում է Սրվաճյան—մեղվական ուղեգիծը կրոնադավանաբանական այն պայքարում, որ բորբոքվել էր Մուշում:

Ավելի լայն է «Միութեան» տեսադաշտը, երբ քննում է զաղթօջախի վարժարանների վիճակը և ուսումնադաստիարակչական գործի դրվածքը: «Ազգային վարժարանք Զմյուռնիոյ և «Մեսրոպյան վարժարան» խմբագրականներում (էջ 105—108, 139—140) ետ է տարվում այն քողի, որ տարիներ շարունակ հասարակութեան հայացքից ծածկում էր Մեսրոպյան և Հոփոսիմյան վարժարանների իրական վիճակը: Բարձրացվող հարցերն արմատական նշանակութիւն ունեն՝ վարժարանները կարող են «հիմնական և կատարյալ բարեկարգութեան» պետք է ընդլայնել նրանց ներքին տեսչի «խաղոր իշխանութիւնը», որով կսահմանափակվի հոգաբարձուների ինքնիշխանութիւնը դպրոցների նկատմամբ. «ամեն ազգային անհատ» և հասարակութիւնն իրավունք ունեն և հնարավորութիւն պետք է ստանան հետաքրքրվելու վարժարանի կյանքով. վարժարանները չունեն մշտական կանոններ, նրանց դասատուները փոփոխվում են վերակացուների քմահաճույքով: «Ազգը,— գրում է «Միութիւնը»,— միջբնակ լինելու իրավունքը յուր ձեռքով կորցնեն անոնց լիակատար իշխանութիւն տալով, դպրոցը՝ ոչ հարուստ, այլ հմուտ և տեղյակ վերակացութեան պետք ունի, և ամեն ուսումնական ազգայնոց սրբազան պարտք մ'է մտածել յուր ազգային հառաջադիմութեանը, և կշռել այն անձը, որո ձեռք գործողական լիակատար իրավունքը կհանձնվի» (էջ 139): Ըստ հանդեսի՝ հարկ էր «ուսումնական ընկերութիւն մի կազմել», որն իր ձեռքը վերցնէր վարժարանները:

Դեմոկրատական սկզբունքների վրա հենվելով, «Միութիւնը», այդպիսով, առաջ էր քաշում կրթական գործը հասարակական հսկողութեան տակ դնելու հարցը և այդ ասպարեզից մեծաշարունակներին դուրս մղելու խնդիրը: Եվ դա մի այնպիսի ժամանակ էր արվում, երբ վարժարանները մնացել էին առանց տեսչի, կարող դասատուները հրաժարվում էին, զգալի թիվով աշակերտներ ուսում ստանալու համար նվիրույթ էին մեկնում:

«Միութեան» առաջին շրջափուլի կարևոր նշանաձողերից մեկն է Մ. Մամուրյանի աշխատակցութիւնը: Հանդեսի 12 համարներում լույս է տեսել «Անդղիական նամականիք» առաջին մասը (№ 3 և հետո): Նրա հրատարակութիւնն արեւմտահայ կյանքում, կարելի է ասել, ուներ աչի նշանակութիւնը, որ ունեցավ Մ. Նալբանդյանի «Հիշատակարանի» տպագրութիւնը արեւելահայ ընթերցողների համար: «Միութիւնը» անգնահատելի ծառայութիւն է մատուցել հայ հասարակական մտքին ու հրապարակախոսութեանը, սկզբնավորելով Մամուրյանի՝ փիլիսոփայական-տնտեսական լուրջ գաղափարներ առաջադրող և հրատարակող քննող երկի հրատարակութիւնը: Իրանով հանդեսը միաժամանակ դրսևորում էր հրապարակախոսական իր կողմնորոշումը:

Արեւմտական բնույթ ունեն «Միութեան» ելույթներն Ազգային սահմանադրութեան շուրջը, սահմանադրութիւն, որ փաստորեն դարձել էր հանդեսի գոյութեան ու գործունեութեան իրավական և բարոյական հիմքը: Եվ հատկանշական է, որ նա առաջին անգամ սահմանադրութեան անդրադարձել է հենց Մ. Մամուրյանի հոդվածով՝ «Ազգային սահմանադրութիւն» (էջ 97—102): Դա արեւմտահայ երիտասարդութեան դիրքորոշումն է ոչ միայն սահմանադրութեան հարցում, այլև առհասարակ արեւմտահայ կյանքում: 1860-ական թթ. սկզբին Սահմանադրութիւնը կարևոր հաղթանակ է «խառն ի խուռն»՝ վիճակի, տիրող անիշխանութեան և «մեծամեծաց բռնութեան» նկատմամբ: Բայց այն ինքնին օրենք և ուժ չէ, կդառնա «թղթի կտոր մի», եթե ժողովուրդը չունի և իշխանութիւն չտա, չհսկի նրա կենսագործմանը: «Ազգը արթուն պահելու» անհրաժեշտութիւնից ելնելով, Մամուրյանը «Միութեան» էջերում առաջ է քաշում «ժողովուրդյան մեջ ազգասիրական կուսակցութիւն մը» հիմնելու խնդիրը՝ նրա «առաջադիւն, ողջախոս և բնտիր մասնն բաղկացալ», և որը «սիրատեղ տե ամենուն վրա»:

Այսպիսին էր ընդհանուր առմամբ «Միութիւն» հանդեսն իր առաջին շրջափուլում: Նրա երկրորդ շրջափուլը սկսվում է 17-րդ համարից, ավելի ճշգրիտ՝ նախորդ համարում սկսված և հետագա երկու համարներում շարունակված, բայց և անավարտ մնացած ոչ այնքան էլ բարդ ալկապատումով:

Խոսքը «Մարդկային կենցաղ» պատումի մասին է: Ըստ Հովհաննիսյանի դա արտացոլում է հանդեսի գաղափարական ցատկը և նշանավորում նրա լիակատար անցումը դեմոկրատիայի կողմը: Դժբախտաբար անհայտ են մնում պատումի Ա և Բ հատվածները⁸, ինչպես և նրա երրորդ մասը, որը թերևս չի գրվել: Բայց նրա երկրորդ մասը լիովին գաղափար է տալիս ամբողջ պատումի բնույթի մասին (էջ 133—135, 140—142), որը հավանաբար հրատարակվում էր անստորագիր:

Համառոտակի ծանոթանանք այդ պատումին: Պատկառազոր ծերունին, Մասիսից մի հսկա սառցակտոր առած, «աղավնո նման» սուրալով հյուսիսից ընթանում է դեպի «Արևմուտք», որպեսզի հարված հասցնի «Արևելքի Արևմուտք երկարած դիակին»։ «Այնպիսի դիակ մ'էր, որ Փյունիկ հավուն նման մեռած ժամանակը իսկ կրնար կենդանություն առնուլ և յուր կերպարանքը Արևմուտքի Հյուսիս դարձնել այս անգամ»։ Սարսափելով դրանից, ծերունին ուղում է մասիսյան սառցադանգվածով ճնշել, անհետ անել դիակը՝ այնպես, որ «բնավ յուր կերպարանքը չերևի մարդկության առջև»։ Հանկարծ հայտնվում է «գեղաժպիտ երիտասարդ մի... կերպարանքն աներկյուղ էր և անվեհեր»։ Եվ նա սաստում է ծերունուն. «Մի անպատվեր այն դիակը, որո կենդանության գողայիք անձայն և լուրի... Ինչ կուզես այս դիակին, րսավ, ինչու դայն նախատես հանիրավի»։ Տեղի ունեցած երկխոսությունից պարզվում է, որ ծերունին զայրացած վրեժխնդիր է ուղում լինել այն բանի համար, որ դիակը կենդանի եղած ժամանակ նրան «շատ նախատես»։ Այն ժամանակ նա չէր համարձակվում, քանի որ «գորավոր էր... Ահա, կըսես, դիակին վրա նայելով, շատ աշխատություն դրեցի բու պաշտպաններուդ թիվը պակսեցնելու և շատ տեղ ալ հաջողեցա իսկ, բայց ափսոս որ տակավին դքեղ պաշտպանողներ գտնվին»։

Անողորմ հարցումներով «գեղաժպիտ երիտասարդը» դառափետում է ծերունուն. «Այս դարը բողոքող դար մ' է ծերունի, ամեն համազգի լավ զգացած է, որ լուսնյունը շատ անգամ և գրեթե միշտ աղվային պակասությունց սնունդ տվավ, անարգ և անխիղճ գործերու ընդարձակ ասպարեզ մի բացավ, աղվային արշույն և եռանդը մարեց... Ըսվական է ալ որչափ որ ընդհանուր մասնավորին զոհ եղավ...»։

Երիտասարդի հարցապնդումներից շփոթահար և «փախուստի ճամբա» չգտնելով, ծերունին դիակի վրա է նետում սառցակտորը և անհայտանում «դեպի հյուսիս»։ Դրանից առաջ աներևութացել էր նաև աղատախոս և անվեհեր երիտասարդը։ Պատումի հեղինակը մնում է դիակի առջև. «Մեծ հետազոտություն մեծ ծերունվոյն երթալեն վերջը դիակին մոտեցա և տեսա, որ արևուն ճառագայթները սառը հայեցուցած՝ մահվան ջերմությունը դիակին վրայի անհետացնելին և իբրև վերստին կենդանություն տալին անոր»։ Եվ կրկին գուշակի, որ դիակը դորություն և ույծ պիտի զգենուր և յուր կերպարանքը Արևմուտքի Հյուսիս պիտի դարձնել, երևակայությունը հափշտակելով դիս նույն տեղին և ուրիշ տեսարանի մի առաջնորդեց...»։

Այլաբանության մեջ մի քանի տեղ ևս կիսատ տողերը լրացնում են կախման կետերը, որոնք փոխարինում են այն ամենին, ինչ պատումի հեղինակը չէր կարող գրել։ Բայց այն, ինչ նկարագրված է, պարզ ու հասկանալի էր լավատեղյակ ընթերցողներին։ Խոսքը Ավիազովսկու (ծերունու) «լուռ» պայքարի և Ս. Ոսկանյանի («դիակի», քանի որ նրա «Արևմուտքն» արդեն չէր հրատարակվում) մղած պայքարի մասին է։ Հանձին ազատասիրտ երիտասարդի թերևս ներկայացվում է Մ. Նալբանդյանը։

Առհասարակ այլաբանությունը շատ մեկնաբանությունների է տեղիք տալիս։ Բայց մեզ տվյալ դեպքում հետաքրքրում է «Միություն» դիրքորոշումը Ավիազովսկու նկատմամբ, նրա համերաշխությունը Ոսկանյանի հետ, փափաղը, որ դեմոկրատական դիրքերից «Արևմուտքի» մղած պայքարի ոգին վերակենդանանա, նրա հավանական ակնարկը Մ. Նալբանդյանի մասին, համերաշխությունը վերջինիս հետ, որի կերպարը փարատում է «Ծերունի»-ներին դիմակալող երիտասարդությանը երբեմն համակող սարսափը և պայքարի ուժ հաղորդում։

Պատումի մեզ հայտնի «ուրիշ տեսարանը» Զմյուռնիան է, Մեսրոպյան վարժարանը. այս հատվածն ավարտվում է նշանակալի կոչով. «Հայրենասեր սիրտ մի բնավ պետք չէ ընկճի, երբ շունչ ունի, երբ կենդանի է...»։ Պնդել դժվար է, բայց գուցե հեղինակը Գ. Կոստանդյանն է, որին հարազատ էր այլաբանությունը և որը կիսատ է թողել պատումը, թեև նրա վերջում նշված էր, թե «պիտի շարունակվի»։

⁸ Հայրենական գրապահոցներում պահվող «Միություն» հավաքածուներում, ցավոք, չբնական հանդեսի 15-րդ և 16-րդ համարները։

«Միութիւն» մի հողվածը ևս, այսպես ասած, անցումային է՝ տպագրվել է առաջինից Երկրորդ շրջափուլին անցնելու ընթացքում, դարձյալ անստորագիր է և ունի ծրագրային բընութիւն՝ նրա՝ «Ազգասեր մարդ չկա» խորագիրն արդեն իսկ բնորոշող է։ Այդ հողվածով (էջ 131—133, 147—148, 163—166) դմյունահայ դեմոկրատ երիտասարդութիւնը իրական գրոհ էր ձեռնարկում ընդդէմ այն ամենի, ինչ խանգարում էր իր գործունեութիւնը։

Հակառակ վերնագրի կտրուկ պնդմանը, հողվածում ցույց է տրվում, որ ամենուր ազգասեր մարդիկ կան։ Ազգասեր է նաև յուր բնդմնավոր միտքը ու վառվռուն երեակայութիւնը՝ ազգին նվիրող այն խմբագիրը (իմա՝ Ս. Ոսկանյանը), որը «ամեն վիճակի հետ կռվեցավ ի սեր ազգութիւն», բայց «վերջապես իմացավ, թե ինչ մեծ հանցանք է ժամանակէ առաջ իրադունք ունենալ, ուստի Արևելքէն հետո զոհեց Արևմուտքէն ալ...»։ Պարզելով իր տեսութիւնը, հողվածի հեղինակը, ի տարբերութիւն Գ. Կոստանդյանի, նաև ի հակադրութիւն Ս. Ոսկանյանի, գտնում է, որ վաճառականութիւնն է «ազգային միութիւն կեդրոնը... Անոր վրա է բովանդակ ազգի մը հույսը», քանի որ ազգի ապագա փրկութիւնը թերևս դանձով պետք է կատարվի։

Ոկրհական ուղեգծից կատարվող այս շնդումը ցույց է տալիս, որ խմբագրակից երիտասարդները՝ բոլոր հարցերում չէ, որ համակարծիք էին։ Անկախ դրանից, «Ազգասեր մարդ չկա» հողվածը մեծ կրթութիւնամբ արծարծում է ազգասիրութիւն խնդիրը, հայոց լեզվի հարցը, դատապարտում է ֆրանսամոլութիւնը, դատակնիք է դրոշմում նրանց դեմքին, ովքեր «շրթմամբ սիրեն զազգը», ուղում են ազգը ենթարկել «իբնց բացարձակ կամացը», փորձում են։ պակասի։ ձեռքից խել նրա միակ զենքը՝ գրիչը, որպէսզի «իրենց նողկալի դործքերը չընդարարակվին»։ Մեծ համոզումով նա պաշտպանում է մամուլի իրավունքները, խոսքի առատութիւնը։ Մի բնդարձակ հատված նվիրելով «խորհրդարան ազգային» երեակայական ժողովարանում տեղի ունեցող ատենախոսութիւններին, նա ազատախոս «ծերունու» և «արդարասիր» ատենախոսի լեզվով ձաղկում է իշխանավորներին, որոնք իրենց դիրքերն անասան պահելու համար բռնութիւն ու մատնութիւն խափանում են պարբերականները։

Բնդիւս նշվում է հողվածի հրատարակված վերջին հատվածի երափակման մեջ, նրա շարունակութիւնը ուղղված էր լինելու «ծերունի լրագրապետի մը», այսինքն «Արշալույս առարատչանի» խմբագիր Ղ. Պալատպարչանի դէմ։ Բայց հողվածի շարունակութիւնը չի հրատարակվել։ Այս հողվածի ծավալը թույլ չի տալիս քննելու Զմյունիայի երկու պարբերականներին հարաբերակցութիւնը, ինչպես և հարակից մի շարք հարցեր։ Միայն նկատենք, որ «Ազգասեր մարդ չկա» հողվածում թույլ է տրվել կոպիտ վրիպակ։ Ֆրանսամոլներից պաշտպանելով հայոց լեզվի պատիւը հողվածագիրն իրեն թույլ է տվել ֆրանսերենը համարելու բարբառական (էջ 133)։ Թեև հաջորդ համարում իսկ հանդեսն ուղղել է վրիպումը՝ բանը հանդիմնելով տպագրական վրիպակի (պետք է լիներ՝ բարբառաբան), «Արշալույս առարատչանի» հարկ հաստեց «յուր բոլոր դորութիւնները բողոքել»¹⁰։ Խնդիրը հասավ Զմյունիայի ֆրանսիական հյուպատոսին, որ սպառնաց «Միութիւն» հրատարակիչներին, բայց հարցը լուծվեց հյուպատոսութիւն հայ թարգմանչի կրկնակի երութով հանդեսի էջերում, որով էլ կոնֆլիկտը կարծես թե լուծվեց։

Հենց այդ ժամանակ էլ տեղի ունեցավ Հաշտենից ընկերութիւն դեկավաթ մարմնի և «Միութիւն» խմբագրական կազմի պառակտումը։ Հրաժարական տվեցին Գ. Կոստանդյանը, Հովհ. Մակաուտոֆը, Կարապետ և Հարութիւն Տետեյանները և Ս. Պալատպարչանը։ Թեև նրանց փոխարեն շուտով ընտրվեցին նորերը, Հաշտենիցի համար նրանց հրաժարումը լուրջ կորուստ էր, իսկ «Միութիւնը» զրկվում էր իր կարող մի խմբագրից՝ Գ. Կոստանդյանից¹¹։ (Ի դեպ,

⁹ Մի այլ աղբյուրից հայտնի է դառնում, որ «Ազգասեր մարդ չկա» հողվածի հեղինակը, իր իսկ վկայութիւնով, Հ. Սավալանյանն է։ Ոչ միայն այս դեպքում, այլև մի շարք այլ հարցերում նա համամիտ չէր մի դեպքում Գ. Կոստանդյանի, մի այլ դեպքում՝ Ղ. Մամուրյանի ու նարգիս Միրզա Վանանդեցու, թերևս նաև այլոց հետ։ Անշուշտ, շատ բան կպարզվեր, եթե մարդկային հրապարակվեր Սավալանյանի թողած ինքնակենսագրական «Հուշերը»։

¹⁰ «Արշալույս առարատչան», 1 հոկտեմբերի 1862։

¹¹ Հետագայում հանդես գալով «Ծաղիկի» էջերում, Գ. Կոստանդյանը բացատրել է, որ ինքը սիւալ է թույլ տվել միանձնյա կերպով արգելելով այլոց հավանութիւնն արժանացած և դավանաբանական փոքրիկ մի հարցի նվիրված հողվածի տպագրութիւնը, և նորից բարեկաշտեան իր ձեռքն է պարզել Հաշտենից ընկերութիւնը։ Մյուս հրաժարվողները որևէ բացատրութիւն հանդես չեկան։

կարճ ժամանակով խմբագրությունից հրաժարվեցին նաև Հ. Սավալանյանը և Ս. Մ. Վանանդեցին, որոնք ինքնակամություն թույլ տալով, նոր վեճի առիթ էին տվել)։ Պատակտում տեղի է ունեցել մեծ երկունքով, երկարատև ժողովներում հարցերը քննարկելուց հետո և առիթ տվել հակառակորդների շափազանցված ու տեղական մեկնություններին, մասնավանդ «Արշալույս» արարատյանում։

Այդ պատկառումով, սակայն, «Միություն» դիմագիծը լուրջ փոփոխության չի ենթարկվել. տարածությունները վերաբերում էին առանձին, գրեթե մասնավոր հարցերի և ավելի շատ բխում էին տարբեր խառնվածքներից ծնվող հակակրանքից. որ երիտասարդ գործիչներն էին վիճակի չեղան հաղթահարելու։

Երկրորդ շրջափուլում հրատարակվել է «Միություն» վեց համար (N 18—23)։ Դրանց ընդհանուր հայտարարը սկզբունքային հարցերում համարժեք է նախորդ համարների բովանդակությանը։ Հանդեսը շարունակեց ընթանալ դեմոկրատական նախկին ուղիով, առանձին հարցերում նույնիսկ ավելի մեծ վճռականություն ու մարտունակություն ցուցաբերեց։

«Միությունը» շարունակեց հրատարակել Մ. Մամուլյանի «Անգղիական նամականին» և «Աղզասեր մարդ չկա» ու «Մարդկային կենցաղ» շողվածների հաջորդ հատվածները, լույս ընծայեց սկզբունքային հարցեր առաջադրող մի շարք նյութեր՝ «Մեսրոպյան վարժարան» (էջ 139—140), «Աղզային սահմանադրություն» (էջ 155), «Ազատախոսության զեղեցիկ օրինակներ» (էջ 171—174), «1860 թվական» (էջ 179—181) և այլն։ Նա ավելի հաստատապես ծառայեց նրանց դեմ, ովքեր «աղզային իրավունքը և օգուտը, ազատությունը և խաղաղությունը ծծեր, հյուծեր և փճացրեր» էին։

Մարտական դիրքերից է «Միությունը» մերկացրել իշխող դասի փորձերը՝ իսպախել խոսքի ազատությունը. «Եվ մի՞թե հասարակ անձ մը, ինչ աստիճանի կուղեք ըլլա, իրավունք չունի՞ ձշմարտություն մը երևան հանելու, արդարություն մը խոսելու, անաչառ դատողություն մը արձանագրելու, ո՞ր աղզային օրենքը, ո՞ր սահմանադրությունը և ո՞ր բարոյականությունը կրկնեք զինքը ազգին իրավանց մասնակցութենեն։ Աղզի մը հառաչադիմությունը անպիտան մարդոց հարստութենեն՝ կախում ունի, թե անհարուստ զիտնաց պիտանութենեն» (էջ 171—172)։ Եվ ապա «Միություն» խմբագրականը նույն հավատով շարունակում է. «Ով մեծատուք, ով աղզային գլուխը, մի կաշածք, մի խաբվիք, իրավունքը բռնության ոտքին տակը չճմլվիր բնակ, քիչ մը ժամանակ կիշի, որ հետո փառավորապես կտնջնի ու հաղթանակի... Շատ ժամանակ չէ, երբ հասարակության բերան եղած կղատապարտելիք այն վարժունքները, այն ապօրինավոր ընթացքը, այն գաղափարները, որոնք հիմա հոգվո շափ կալաշտպանեք։ Այսպիսի ահա սնամիտությունը և պաշտոնները մարդս կմոլորեցնեն, ճշմարիտ ազգասիրության տեղ՝ սուտ ազգասիրությունը կփոխանակե և նույն կեղծ վարագույրին ներքև ազգին օգուտ ընկու ձևացմունքով յուր աստվածը (ղորովայն) կպաշտի»։ Այսպիսի կտրուկ հարցադրումներով «Միությունը», սակայն, չէր աչրում բոլոր կամուրջները։ Նրա հողվածագիրը նաև հնարավոր է համարում, թե հակառակորդները «վերջուպես պիտի համոզվին և երկու կողմի գաղափարները միանալով՝ անոնց ղուգավորութենեն զեղեցիկ արդյունքներ պիտի ծնանին հօգուտ հասարակության» (էջ 172)։ Սակայն շուտով էլ հանդեսը շոշափելիորեն պիտի զգա, որ ապարդյուն հույսեր էին դրանք. ենթադրվող կոմպրոմիսն անիրականալի էր։

Նույն վճռականությամբ էր «Միությունը» շարունակում պաշտպանել ազատախոս մամուլը և նրա իրավունքները, նրա բուն կոչումը՝ «թմրյալ և թմրյալ մտքերը արթնցնել... եթե ոչ ի՞նչ է օրագիր մը և ինչ է օրագրի մը օգուտը» (էջ 150)։ Նա մերժում է «վատության զզվելի օրինակ» տվող և «մեկ քանի հարուստ տղետներու կրից գործիք» դարձող գրիչները, և, ընդհակառակը, փառաբանում է «ծրտյալ մտքով» պարուրված հարուստներին ձաղկող «ազատ ու համարձակ գրիչները և գլուխները», «անաչառ և համարձակախոս օրագիրներին»։ «Միությունը» հրատապ է համարում «երիտասարդ մտաց մեջ (որովհետև ծերութենե ալ հույսերնիս շմնաց) հիմակաց սկսիլ ազատասիրության սերմը ցանելը» և գերադասելի՝ «մարդկային հանձարը և գիտությունը, քան թե հարստությունը, որ գործիք եղած է բռնության» (էջ 184)։

«Միություն» էջերում կայուն և հետևողական դիրքերից էին հանդես գալիս Հաշտենիցի նորընտիր անդամը՝ Ս. Ղոնճալանը, ինչպես և երկարաթաթերթին նոր-նոր աշխատակցող Ս. Թ. Չելիքյանը։ Տգիտություն ու հետադիմության որոգայթները մերկացնելով, նրանք լայն ու համարձակ գործունեության կոչ էին անում երիտասարդությանը։ «Աղզը,— գրել է իր ա-

նաժարտ հողվածութիւն Ս. Ղոնճալանը՝ խոսքն ուղղելով երիտասարդ սերնդին, — ձեզմե յուր կենդանութեան հուշները պիտի կարենա գտնել, ջանացե՛ք առջի կառավարիչներուն պատճառած մահաուրիշ վերքերուն սպեղանիներ գտնել և ազգը խնամելով դարմանել... Հայրենասիրութիւնը ու ազգասիրութիւնը գործապետք, աղատախոսութիւնը դրոշակակիր և եվրոպացիոց շալիկը պատերազմի դաշտ ընտրե՛ք... և մեր հաղթութեան փառավոր պսակը շահելու պիտի արժանանամք» (էջ 181)։ Ի դեպ, Եվրոպայի օրինակը մատնացույց անելով, «Միութիւնը» նրա հետ առնասարակ որևէ քաղաքական հուշ չէր կապում, նույնիսկ շեշտում էր, որ ազգի «լուսավորութիւնը» եվրոպայէն չսպասեք, ինչպէս շատերը կերաղեն, և ոչ արևելքէն, այլ մեր սրտէն ։ մեր կամքէն։ Լուսավորութիւնը այն ժամանակ պիտի ծագի հայոց մեջ, երբ որ... ազգային կապով իրարու հետ կապվինք» (էջ 183)։

1860 թ. դեկտեմբերի 1-ին լույս տեսավ «Միութեան» 23-րդ համարը, որ վերջինը եղավ, իսկ դեկտեմբերի 17-ին «Արշալույս արարատյանը» հայտնեց, թէ «տեղական կառավարութիւնը» պարտավորվեցավ գոցնլ տալու Տետեան եղբայր տպագրատունը... Նմանապէս Միութիւնն անուն կիսամսյա հանդիսը առանց հրամանագրի հրատարակվելուն համար արգելվեցավ։ Հայ մամուլում, մասնավորապէս «Մեղուն» և «Փարիզ», ինչպէս և «Մասիս» պարբերականներում ժամանակին հրատարակված նյութերն ոգնում են պարզելու, թէ ինչ է կատարվել հանդեսի նետ։ Իսկ տեղի ունեցածը գրեթէ եղևոնագործութիւն էր հայ մտավոր ջանքերի նկատմամբ։

Հանդեսի բնագոյտութիւնից դժգոհ հակառակորդները, նրա նյութերում իրենց հասցված տնայտնութիւն տեսնելով, հասել են այն բանին, որ գաղթաբնի ազգային ժողովը «քննելու» բողոքները, որոշում է, որ նրա խմբագիրները «հանդիմանութեան արժանի են տեղական կառավարութեան առջև»։ Արիթը մեծ չէր, բայց հետադիմութեան համար այդ էլ բավական էր։ Կանոն չառնելով մատնութեան առաջ, մեծատուններից ոմանք հուշեցին գավառապետ Օսման փաշային, որ արդելի հանդեսի տպագրութիւնը, քանի որ այն իբրև թէ լույս ընծայելու պատշաճ հրամանագիր չունի, փաշայի (մի այլ տեղեկութեամբ՝ նրա տեղակալի) հրամանով էլ խափանվել է թե՛ «Միութիւնը» և թե՛ Տետեանների տպարանը, որը, սակայն, շուտով վերսկսել է դործել։

Հարցը դրանով չի սպառվել։ Խմբագիրները, ինչպէս գրել է «Արշալույս արարատյանը», իրենց «պարագր կացութիւնն» պահանջված պարկեշտութեամբ, ինչք չմնացին, այլ խոսքով դիմակայեցին թուրքական փաշային։ Դրութիւնն ավելի բարդացավ նրանով, որ մեծատուններից մեկի տան դռանը փակցվել էր անարգող թերթիկ, որը ևս ներկայացվել էր գավառապետին։ Դրան հետևել է անողոր հրամանը՝ բանտարկել «Միութեան» խմբագիրներին։ Դեկտեմբերի 3-ին թուրքական զավաղները հենց պատարագի ժամին մուտք են գործել Ս. Ստեփանոս տաճար։ Ե ցուցակը ներկայացնելով, հոգնոր առաջնորդից պահանջել են իրենց հանձնել խմբագիրներին։ Առաջնորդը խուսանավեց։ Որոշելով «Միութեան» խմբագիրներին, զավաղները դիմեցին խուզարկութեան և նրանց հաջողվեց ձերբակալել ու բանտ նետել խմբագիրներից երկրին։

Բռնապետները և նրանց ձայնակցող «Արշալույս արարատյանը» տեղի ունեցածը ներկայացնում էին այնպէս, թէ կառավարութեան պատիժն արժանացել է Զմյուռնիայի հասարակութեան հավանութեանը։ Բայց այլ բան է վկայում հետագա դեպքերի ականատեսներից ու մասնակիցներից մեկը. «Զմյուռնացի հայերը, — դրում է նա, — երբեք չէին ուղեր Միութիւնը պատմված տեսնել՝ այլ սպակված, ինչպէս և խմբագրաց բանտարկված զիշերը ամեն տան մուրով կըլլար, եռույտները կպարսաւվէին փողոցներուն մեջ, նաև առաջնորդարանը խուռն լազմութիւն ժողովելով՝ ամենքս ալ կղալրանայինք եռապետաց դեմ և կսպառնայինք, որ Միւրյայն խմբագիրները, այն պատվավոր հայրենասեր և գիտնական անձերը, որոնք եռապետաց (ինսպէս և ոչ ազգին) բռնութեան կրից դո՛հ եղած էին՝ նույն գիշերը բանտէն հանվին։ Սրտերուն ցավը և մորմորը մինչև անգամ ս. Առաջնորդը զրկելու կզրգոնր զիրենք... Խուռն և անթիվ բազմութիւն ժողոված էինք բանտին բոլորտիքը, կքաջալերեինք զիրենք և կզովեինք, որ ազգին համար կբանտարկվին. առաջնորդարանին բազմութեան մեկ մասը (ազգեցութիւն ունեցող անձինք) մինչև Համիտ պէյին բնակարանը կերթային Միութեան խմբագիրները աղատելու բանտէն... Քաղաքացիոց կողմէն բազմաթիւ պատվավոր ստորագրութիւններով շնորհակալութեան նամակ մը զրկվեցավ արդարասեր անձի մը, որուն իրավունքը պաշտպանելու

նեոսոփեացավ դյուցազնաբար... Իզմիրի հայ հասարակությունը մեծ սեր և համարում ունի Միության հանդեսին վրա»¹²:

Այս նամակի հեղինակը, որ հանդես է գալիս «Հայրենասեր զմյուռնացի հայ մը» ստորագրությամբ, ի դեպ, նշում է, որ պատրաստ է և շուտով կհրատարակվի հատուկ գրքույկ, որտեղ արտացոլված են «բոլոր դեպքերը»՝ հականե-հանվանե՝ Որբան հաջողվեց պարզել, այդպիսի գիրք չի հրատարակվել. հավանաբար եռապետները կանխել են նրա տպագրությունը կամ հրատարակչներն են հրաժարվել այն լույս ընծայել:

Ո՛չ թուրքական իշխանությունները և ո՛չ էլ դադթախի բռնապետ-մատնիչները, անշուշտ, չէին սպասում, որ իրադարձություններն այդպիսի բուռն ընթացք կստանան: Առաջին անգամ ժողովուրդը ոտքի էր կանգնում և իր հոգոր պաշտպանության տակ առնում հայ պարբերականը և նրա խմբագիրներին: Փաստորեն կրկնվում էր այն նախերգանքը, որ մի քանի ամիս առաջ՝ օգոստոսի 1-ին, հանգեցրել էր Կ. Պոլսի ժողովրդական հզոր ջուլջուլին: Եվ դեպքերը թերևս հենց նույն հունով կրթնանային, եթե բռնապետները չշտապեին հանդես գալ խմբագիրներին աղատելու: Միջնորդի դերում և եթե թուրքական իշխանությունները փոքր-ինչ հապաղեին: Մի գիշեր բանտարկվելուց հետո առավոտյան նրանք ազատվեցին, ինչպես պահանջում էր բողոքող ժողովուրդը: Շուտով իր գործունեությունը վերսկսեց Տեմեյան եղբայրների տպարանը, իսկ «Միություն» խմբագիրները ձեռնամուխ եղան հանդեսի հրատարակությունը վերսկսելու իրավունք ձեռք բերելուն:

«Միություն» դեմոկրատական հանդեսի այս պատմության մեջ կա նշանակալից մի էջ ևս, որ անապատաց խոսուն և հատկանշող է: Հանդեսի պաշտպանության խնդիրը ոտքի է հանել Զմյուռնիայի հայ առաջադիմական երիտասարդությանը, հայ առաջադիմական-դեմոկրատական պարբերականներին, հատկապես Հ. Սրվաճյանին: Երիտասարդ հրապարակագիրները, մտնալով Լոսանոսի ծածկադրերով նամակներ հրատարակող հեղինակը, կրակոտ հողվածներ հղեցին Կ. Պոլսում և Փարիզում լույս տեսնող պարբերականներին, արտահայտեցին այն ցասումը, որ համակել էր զմյուռնահայերին, որոնք «կարծես թե կրակ առեր կրակեին»: «Մեղուկ», «Փարիզը», Երբեմն նաև «Մասիսը» լայն տեղ հատկացրին Զմյուռնիայում տեղի ունեցած իրադարձություններին, դատակնիք դրոշմեցին բռնապետության դեմքին, դատապարտեցին «Վերջալույս արարատյանի» և Ղ. Պալտաղյանի դիրքը: Այդ նյութերին մենք կանդորադանանք մի այլ առիթով, բայց այստեղ հարկ է խոսել Հ. Սրվաճյանի սկզբունքային կարևոր նշանակություն ունեցող ելույթներից մեկի մասին:

Իրադարձություններին ուշի-ուշով հետևելուց հետո, 1861 թ. հունվարին Հ. Սրվաճյանը հանդես եկավ «Միություն» և զմյուռնացի հայերը»¹³ նշանավոր հողվածով: Դա «Մեղուկ» ամսփոխող և գնահատող խոսքն է՝ դրված հրապարակախոսական կրթով ու սրտացավությամբ: Հինգ ենթագլուխների տակ՝ «Պատգամավորություն», «Մատնություն», «Միություն»՝ հանցանքը», «Ճանաչեցեք զմեզ» և «Ճանաչեցեք զձեզ», Սրվաճյանը մեկտեղել է «Մեղուկ» նախորդ ելույթները, իր կուտակած փաստերն ու անմիջական տպավորությունները և ցասումնային խոսքով դատապարտել Հաշտենիցի հանդեսի դեմ խաչակրաց արշավանք մղող մեծամեծներին և, կարելի է ասել, դափնեպսակ է հյուսել խափանված «Միությանը»:

Գնա՛տելով «Միության» հազիվ մեկամյա գործունեությունը և պատասխանելով բոլոր պոչների նրա հակառակորդներին, Հ. Սրվաճյանը գրել է. «Թող համոզվին, թե Միության խափանումը շատ ծանր և շատ սուղ պիտի ըլլա իրենց: Վասնդի Միությանը եթե չարտնակվի՝ դարձյալ իր պաշտոնը կատարած է. նա պիտի արթնացներ ժողովուրդը ու իր իրավանք ճանաչանք բերեր. ժողովուրդը արթնացավ ու ալ ասկե ետև անկարելի է դարձյալ դանի թմրեցնել: Ժողովուրդը արթնացավ և գոհ է իր արթնանալու վրա՝ իր կորստած իրավունքներուն վաճկման համար, հարցուց պինքը արթնցնող ձայնին հեղձվելուն պատճառը, իմացավ բուն պատճառը և վրեժխնդիր պիտի կանգնի Միության քաղցր ձայնին մարելուն»: Դեռ ոչ մի ուրիշ հանդեսի մասին Սրվաճյանը այդքան ջերմորեն չէր արտահայտվել և չէր պաշտպանել այդպիսի մեծ կրթությունը, ինչպես նա դնահատել ու սլաշտպանել է «Միությունը»: Բայց նա դեռ ասելիք ուներ:

¹² «Մեղուկ», 20 մարտի 1861, էջ 75:

¹³ «Մեղուկ», 20 և 31 հունվարի 1861, էջ 9—11, 17—18 և Հ. Սրվաճյան, նշվ. աշխ., էջ 156—163:

Դեռ այն ժամանակ, երբ Հաշտենից ընկերության և «Միութիւն» ղեկավար կազմում համարաշխութիւն իր իշխում, Զմյուռնիայի հայ եւրոպական և ուսումնասիր ժի խումբ երիտասարդներ հիմնեցին Վասպուրական ընկերությունը՝ նպատակ ունենալով զաղթողախում զարկ տալ թատերական գործին: Այդ խմբի հիմնական կազմը Հաշտենից ընկերության «հոգւի» չափ Կարենասեր և անձնվեր» անդամներն էին՝ Կ. Տետեյանը (Հավյան), Պ. Շահումյանը, Ա. Ղոնճալանը, Սարգիս Միրզա Վանանդեցին և ուրիշներ: Նրանց հաջողվեց ոչ միայն թատրոնի «տախտակաշէն գեղեցիկ» շենք կառուցել, այլև շուտով կազմակերպել նաև Հայերեն րևմադրութիւններ: Հայկական թատրոնի հիմնումը դարձավ նշանավոր իրադարձութիւն ոչ միայն զաղթողախի, այլ նաև արևմտահայ մշակութային կյանքում: 1862—1864 թատերաշրջաններում Վասպուրական թատրոնը վերածվեց և՛ թատերական, և՛ հասարակական գործունեության բուռն կենտրոնի: Թատրոնը հայտնի չափով լրացրեց այն բացը, որ գոյացել էր «Միութիւն» խափանմամբ, նա զաղափարական-հասարակական մտքի դարգացման իմաստով հանդիսի շարունակութիւնն էր, նույնիսկ նրա ծնունդն ու ժառանգորդը:

Հենց դրանով է պայմանավորված Հ. Սրվաճյանի արտակարգ խանդավառութիւնը, որ դրսևորվել է Վասպուրական ընկերության սկզբնաքայլերին և Հաշտենից ընկերության ու «Միութիւն» գործունեության կրկին գնահատութիւնը նվիրված հոդվածում: Ահա Սրվաճյանի անվերապա՝ խոսքը. «Փառք ու պարծանք Հաշտենից և Վասպուրական ընկերությունները կազմող աղայասեր և ուսումնասիր երիտասարդներուն... Միութիւնը թմրած հոգիներու անտարբերութիւնը վանելով և աչքը բանալով եցուց անոնց իրենց վիճակը... ինքզինքը զոհելով իր տեղը սուղայնութիւն միութիւնը հաստատեց... էհ, Միութիւնը այսօր իր գերեզմանն հնշտ աշխարհի և ուրախ սրտով կտանն իր մոխիրն ամենուն սրտին մեջ ցանված, որոնք միշտ իրար բարշտով ամեն սիրտ կմիացնեն: Հաշտենից ընկերության Միութիւնը, ոչ որ կուրանա, իր դժկամ մահվամբ, նմանեցավ այն ցորենի հատին, որ և՛ չընկնի ու չմեռնի արդյունավոր չլուր: Հաշտենից ընկերությունը հրատարակեց Միութիւնը սա հուսով, որ գեթ զմլուռնադիներն կհորդորեն անոր: Միութիւնը սպաննողները մեծ ծառայութիւն մ'ըրին Հաշտենից ընկերության, վասնզի աղգասեր անմեղին տարածամ մահը միշտ արդյունավոր եղած է և մահացողն միշտ իր նպատակին հասուցած:

Հաշտենից ընկերությունը իր վարձքը պիտի ընդունի թե՛ անմահ կենաց մեջ և թե՛ ազգային հիշատակութիւն մեջ: Հաշտենից ընկերությունը բեղմնավոր ամսյ մը եղավ Զմյուռնիոյ վրա, որ եկաւ ու ահա արկանելով երկշտ մարդոց՝ արդասավորեց հայոց անդաստանը: Բայց բավական չհամարեց իր այս պաշտոնը. նա ուղեց Հայաստանի երկնքի վրա հանապաղ փայլող աստղ մ'ըլլալ, ուստի ուրիշ անունով, Վասպուրական ընկերության անունով հավաքվեցան դրիթն, նույնիսկ Հաշտենից ընկերությունը կազմող աղգասեր երիտասարդները... Ծըշմարիտ կրսներ, և՛ թանի մը տարի առաջ հրատարակվեց Միութիւնը, եթե թանի մը տարի առաջ բացվեց Վասպուրական թատրոնը, անցածներս չպիտի զգայինք այն ցավը, որ եռապիտ անունով բամբասված անձերուն անվայել գործերը աղեցին մեղի... զոհն հուսանք, որ այսուհետև ևս տալիտ շորապիտ չպիտի կրնան ամբողջ բաղաքի մը հայ ժողովուրդին իրավունքն ոտքի տակ առնել...»¹⁴:

Հաշտենից և Վասպուրական ընկերությունների, հայտնի չափով նաև «Միութիւն» խափանված հանդեսի ղեկավարական դիրքորոշման լրացուցիչ դրսևորումը եղավ նրանց ղեկավար Վազմի հանդիպումը Հնդկաստան կատարած ուղևորութիւնից վերադարձող Մ. Նալբանդյանի հետ, Զմյուռնիայում, 1861 թ. նոյեմբերի 18-ին, ինչպես և Նալբանդյանի բարձր գնահատականը և պարտավորեցնող բարեմաղթութիւնը Վասպուրական ընկերությանը:

Վերջապես նկատենք նաև հետևյալը: «Միութիւնը» հող է նախապատրաստել արևմտահայ ղեկավարախի ղմլուռնական օրգանի՝ «Մաղիկի» հրատարակ դալու համար, և այս ղեկավարում ևս իրականանում էին Հ. Սրվաճյանի վերոհիշյալ խոսքերը: «Միութիւն» խափանութից մոտ վեց ամիս հետո հրատարակ եկած Գր. Ձիլինկիրյանի «Մաղիկը», ըստ էութեան, «Միութիւն» շարունակութիւնն էր, նրա հաջորդը, ինչպես ասվում էր այն օրերին Զմյուռնիայում: Չհամաձայնելով իր հանդեսի և «Միութիւն» միջև վատաբանելու նպատակով արվող զուգակշիռի հետ, Ձիլինկիրյանը ղիմել է բառախաղի և հստակորոշ պատասխան տալով, «Մաղիկը» առաջին համարներից մեկում, գրել է. «Մաղիկը՝ Միութիւն հաջորդը չէ, այլ անոր օրերն է, երկուքն էլ իրենց կյանքը մեկ մայրն առած են, որ է հառաջադիմութիւն, ուստի

¹⁴ «Մեղու», 20 հունիսի 1861, էջ 147 և Հ. Սրվաճյան, նշվ. աշխ., էջ 163—165:

Մաղիկը պաշտպան է իր քրոջ այն ամեն սկզբունքներուն, որոնց հիմն է ազատութիւն, իրավունք և պարտավորութիւն»¹⁵։ Ըստ այդմ «Մաղիկը» համոզված էր, որ «Միութեան» խմբագիրները շուտով «մի առ մի իրենց իրավունքը և պատիվը պիտի պաշտպանեն», գտնում էր, որ «վաղամեռիկ» հանդեսն «իբր տեսակի մեջ իզմիրի համար անգրանիկ և ազգագրութ» էր, պակասութիւնների հետ միասին ուներ «շատ ալ կատարելութիւններ»։

Եվ իրոք, «Միութեան» խմբագիրներին հաշտողէց ձեռք բերել հանդեսի հրատարակութիւնը վերսկսելու թուղթութիւնը 1861 թ. սեպտեմբերից սկսվեց Հաշտենիցի հանդեսի տպագրութիւնը՝ հավելաւ անվանումով՝ «Միութեան սահմանադրական», որը գոյատևեց մինչև 1862 թ. օգոստոսը, եթէ չենք սխալվում, լույս տեսնելով մինչև 24-րդ համարը։ Այդ նոր տարեշրջանը մենք համարում ենք «Միութեան» երրորդ շրջափուլը՝ նոր անվանումով. երբ նրա խմբագրութիւնը նախ տնօրինում էին Հ. Սավալանյանը և Սարգիս Միրզա Վանանգեցին, ապա սրաւս փոփոխութեամբ Ցավոք, հայրենական գրապահոցներում մեզ չհաշտողէց գտնել «Միութեան սահմանադրականի» հավաքածուն, ուստի և դժվար է նրա մասին գաղափար տալ¹⁶։ Մասունում, մասնավորապես «Մաղիկում» հրատարակված բանավիճակտն մեծ թվով նյութերը, միակողմանի լինելով, չեն պատասխանում հիմնական հարցին՝ ինչ գաղափարներ է դավանել «Միութեան» սահմանադրականը։

Ամփոփելով «Միութեան» հանդեսի քննութիւնը, պետք է արձանագրել, որ Հաշտենից րնկերութեան պարբերականը եղել է դեմոկրատական օրգան և զգալի նպաստ է բերել հայ առաջադիմական-դեմոկրատական մտքի զարգացմանը։

ЗАПАДНОАРМЯНСКИЙ ДЕМОКРАТИЧЕСКИЙ ЖУРНАЛ

«МИУТЮН» (1860 г.)

М. Н. АКОПЯН

(Резюме)

Передовые выпускники школы имени Маштоца г. Измира в середине 1859 г. организовали культурное общество «Аштепиц» с целью содействовать просвещению армянского народа. Они же коллективными усилиями в 1860 г. издавали двухнедельный журнал «Миутюн» («Союз»). Исследование журнала, до сих пор не привлекавшего к себе внимания, показывает, что он отстаивал демократические принципы, поднимал на своих страницах злободневные вопросы, защищал права народа, боролся против богатеев и власть имущих. Журнал подвергался гонениям, затем был запрещен, его редакторы-издатели были брошены за решетку. Деятельность журнала и его роль высоко оценил революционер-демократ А. Свачян.

¹⁵ «Մաղիկ», 1 օգոստոսի 1861, էջ 25։

¹⁶ Որոշակի տեղեկութիւններից դատելով, Մխիթարյանների գրապահոցներում բարեբախտաբար պահպանվել են «Միութեան սահմանադրականի» համարները։ Վերջերս մենք Բելյուրի Հայկազյան կոլեջի մատենադարանի տնօրեն Ժիրայր Դանիելյանի սիրահոգաբար հոգացողութեամբ ստացանք «Միութեան» 15-րդ և 16-րդ համարները, ինչպես և «Միութեան սահմանադրականի» 1861—1862 թթ. համարների լուսատիպ պատճենները, որի համար խորապես շնորհակալ ենք։